
Saknr: 2020/36583-9
Saksbehandlar: Eva Moberg, Roald Landøy

Saksgang

Utval	Utv.saknr.	Møtedato
Hovudutval for kultur, idrett og integrering		17.03.2020

Fordeling av tilskot til forvaltning og drift av verna fartøy 2020

Forslag til vedtak

1. Hovudutval for kultur, idrett og integrering fordeler tilskot til forvaltning og drift av verna fartøy frå budsjettpost 400.650.09 slik:

<i>Fartøy</i>	<i>Søklar / eigar</i>	<i>Tildelt</i>
MS Atløy	Veteranbåtlag Atløy	100 000
MS Gamle Nyborg	A. Andersen Shipping AS	50 000
MS Granvin	Veteranskipslaget Fjordabåten	200 000
MF Hardingen SR	Fjord-2 Fjord Cruises AS	avslag
MS Haugefisk	Stiftinga Musea i Sogn og Fjordane	100 000
DS Hestmanden	D/S Hestmanden`s venner /Vest-Agder museet	avsalg
MS Lindenes	Veteranbåtlaget MS Lindenes	100 000
SJ Mathilde	Stiftinga Hardanger og Voss Museum	185 000
DS Midthordland	Det Midthordlandske Dampskibsselskab AS	100 000
MS Nybakk	Ms Nybakks Venner	70 000
DS Oster	Nordhordland Veteranbåtlag	120 000
DS Stavenes	Veteranskipslaget Stavenes	200 000
DS Stord I	Stiftelsen D/S Stord I	385 000
MS Sunnhordland	HSD Sunnhordland AS	350 000
SJ Svanhild	Stiftinga Svanhild	150 000
MS Vestgar	Øygardsbåtane AS	45 000

MS Vulcanus	Vulcanus Taubåtkompani	75 000
		2 230 000

2. Dersom nokre av tiltaka ikkje let seg gjennomføre i tråd med føresetnadene for tildelinga, gjev hovudutval for kultur, idrett og integrering administrasjonen høve til å omfordele midlane til andre av dei omsøkte tiltaka.

Samandrag

Vestland fylkeskommune og Riksantikvaren har kvar sett av ein årleg post på kr 1 000 000,-, til saman 2 mill. til tilskotsordninga for drift av verna fartøy. I tillegg kjem inntrekte midlar på kr 230 000 som vert omdisponerte, slik at den samla summen til fordeling er kr 2 230 000.

Målgruppa er eigarar av fartøy som har fått tildelt status som «verna fartøy» av Riksantikvaren.

Det er kome inn 17 søknader for 2020. Den samla søknadssummen er kr 14 113 797, medan budsjettposten er på kr 2 000 000.

Per Morten Ekerhovd
fylkesdirektør

David J. Sandved
seksjonssjef

Saksframlegget er godkjent elektronisk og har difor ingen handskriven underskrift

Saksutgreiing

Bakgrunn

Budsjett 2019-2020	2 000 000
Søknadsfrist for tildeling	1. februar 2020
Vedtaks kriteria	Retningsliner fastsett av KULII 12.11.2019, sak 3/2019
Informasjon om ordninga	Nettstad

Tal på søknader	17
Tal på søknader som er tilrådd tilskot	15
Samla søknadssum	14 113 797
Tilrådd til fordeling	2 230 000

Overordna kommentarar til innstillinga:

Tilskotsordninga til forvaltning og drift av verna fartøy vart etablert i 2016 i Hordaland fylkeskommune. Ordninga er vidareført for Vestland fylkeskommune, med reviderte retningsliner. Som framheva i kulturplanane «Premiss: kultur» og «Kultur for alle» er fartøyvern eit fagområde der frivillige, lag og organisasjonar har teke på seg eit stort fagleg og økonomisk ansvar. Etter at fartøya vert sette i stand, er erfaringa at mange større fartøy slit med høge driftskostnader. Tilskotsordninga til forvaltning og drift av freda og verneverdige fartøy vert finansiert etter same modell (SAVOS) som tilskotsordninga for sikring og istandsetting av verna fartøy, der Riksantikvaren gir midlar frå statsbudsjettet i same storleik som det fylkeskommunen sjølv set av.

Ordninga skal kunne dekkje utgifter som er ein føresetnad for, eller ein konsekvens av, at fartøya er i drift: naudsynt periodisk ettersyn, kontroll og service, naudsynte kurs for mannskap og tiltak som sikrar at kunnskapen om drift av fartøyet vert teken vare på og ført vidare. Det er kun større fartøy, definert i retningslinene som over 100 bruttoregister tonn eller som tar minst 20 passasjerar, som kan søke støtte i denne tilskotsordninga. Dette er dels for å gjere ordninga meir spissa mot der trongen er størst. Større fartøy har òg gjennomgåande høgare driftsutgifter, samstundes som det særleg er desse som går med passasjerar og på det viset når ut til ålmenta i størst grad. Det er opna for at fartøy som ikkje høyrer heime i Vestland, men som har størsteparten av seglingstida si her og slik sett kjem fylket til gode, kan få støtte.

Utgangspunkt for prioriteringa

To av fartøya møter ikkje kriteria for tilskotsordninga. Dei femten andre omsøkte tiltaka, vert prioriterte i hovudsak ut i frå storleik på fartøyet og passasjertal, då større fartøy og passasjersertifikat fører til høgare utgifter knytt til teknisk tilstand og tryggleik generelt. Fire av fartøya får 200 000,- eller meir. Det er teke omsyn til at nokre fartøy fekk tilskot frå Sogn og Fjordane fylkeskommune på slutten av 2019.

Vedtakskompetanse

Hovudutval for kultur, idrett og integrering.

Vurderingar og verknader

Økonomi: Tildelinga er i samsvar med budsjett og det ligg føre stadfesting frå Riksantikvaren om tildeling av midlar for 2020 over SAVOS-ordninga

Klima: Fylkesrådmannen kan ikkje sjå at saka har relevans for t.d. klimaavtrykk.

Folkehelse: Regional plan for folkehelse 2014 - 2025 - fleire gode leveår for alle: Kulturopplevingar har positiv verknad på folkehelsa, og det er brei interesse og stor oppslutning rundt mange av fartøya.

Regional planstrategi: Tilskotsordningane er sentrale verkemiddel for å følgje opp viktige satsingar i Regional kulturplan 2015-2025 PREMISS: KULTUR og Kultur for alle Regional plan for kultur i Sogn og Fjordane, 2019-2027.

Konklusjon

1. Hovudutval for kultur, idrett og integrering fordeler tilskot til forvaltning og drift av verna fartøy frå budsjettpost 400.650.09 slik:

<i>Fartøy</i>	<i>Søklar / eigar</i>	<i>Tildelt</i>
MS Atløy	Veteranbåtlag Atløy	100 000
MS Gamle Nyborg	A. Andersen Shipping AS	50 000
MS Granvin	Veteranskipslaget Fjordabåten	200 000
MF Hardingen SR	Fjord-2 Fjord Cruises AS	0
MS Haugefisk	Stiftinga Musea i Sogn og Fjordane	100 000
DS Hestmanden	D/S Hestmanden`s venner /Vest-Agder museet	0
MS Lindenes	Veteranbåtlaget MS Lindenes	100 000
SJ Mathilde	Stiftinga Hardanger og Voss Museum	185 000
DS Midthordland	Det Midthordlandske Dampskibsselskab AS	100 000
MS Nybakk	Ms Nybakks Venner	70 000
DS Oster	Nordhordland Veteranbåtlag	120 000
DS Stavenes	Veteranskipslaget Stavenes	200 000
DS Stord I	Stiftelsen D/S Stord I	385 000
MS Sunnhordland	HSD Sunnhordland AS	350 000
SJ Svanhild	Stiftinga Svanhild	150 000
MS Vestgar	Øygardsbåtane AS	45 000
MS Vulcanus	Vulcanus Taubåtkompani	75 000
		2 230 000

2. Dersom nokre av tiltaka ikkje let seg gjennomføre i tråd med føresetnadene for tildelinga, gjev hovudutval for kultur, idrett og integrering administrasjonen høve til å omfordele midlane til andre av dei omsøkte tiltaka.